

TIPOS DE DETERMINANTES

ARTIGOS

Determinan aos substantivos e concordan en xénero e número

Determinados

	singular	plural
masculino	o	os
feminino	a	as

Indeterminados

	singular	plural
masculino	un	uns
femenino	unha	unhas

- Ás veces pódese empregar na escrita a chamada "segunda forma do artigo" (lo, la, los, las) despois de certas palabras:

mais, e mais: Xosé e mailo seu curmán

por: ando pola rúa; fun polo camiño

tras: hai un val tralo outeiro

todos, todas: tódolos homes son iguais; xogo con tódolos nenos

ambos, ambas: ámbolos sobriños son dun tempo

- Tamén hai que ter en conta que aparecen contraídos ao coincidir cunha preposición:

A (cos determinados: Á, ao (ó), Ás, aos(ós))

con (co, ca, cos, cas, cun, cunha, cuns, cunhas)

de (do, da, dos, das; dun, dunha, duns, dunhas)

en (no, na, nos, nas; nun, nunha, nuns, nunhas)



“Título do documento”, do proxecto *cREAgal*, publícase coa [Licenza Creative Commons Recoñecemento Non-comercial Compartir igual 4.0](#)

TIPOS DE DETERMINANTES

DEMOSTRATIVOS

Os demostrativos son uns determinantes que acompañan ó substantivo e que indican proximidade ou lonxanía no espazo ou no tempo respecto da cousa da que fala o emisor:

	masculino		femenino		neutro
	singular	plural	singular	plural	singular
Proximidade ao emisor	este, ese	estes, eses	esta, esa	estas, esas	isto, iso
lonxanía	aquel	aqueles	aquela	aquelas	aquilo

Os demostrativos contraen coas preposicións de e en do seguinte xeito:

	este	estes	esta	estas	isto
de	deste	destes	desta	destas	disto
en	neste	nestes	nesta	nestas	nisto

Faríase do mesmo xeito cas restantes formas: ese (dese, nese), aquel (daquel, naquel)

TIPOS DE DETERMINANTES

POSESIVOS

Os demostrativos acompañan un substantivo e cando substitúen a este funcionan como pronome.

Os posesivos indican posesión ou pertenza dun obxecto atribuída a un ou varias persoas.

persoa		singular		plural	
singular		masculino	feminino	masculino	feminino
	1º	<i>meu</i>	<i>miña</i>	<i>meus</i>	<i>miñas</i>
	2º	<i>teu</i>	<i>túa</i>	<i>teus</i>	<i>túas</i>
	3º	<i>seu</i>	<i>súa</i>	<i>seus</i>	<i>súas</i>
plural	1º	<i>noso</i>	<i>nosa</i>	<i>nosos</i>	<i>nosas</i>
	2º	<i>voso</i>	<i>vosa</i>	<i>vosos</i>	<i>vosas</i>
	3º	<i>seu</i>	<i>súa</i>	<i>seus</i>	<i>súas</i>

TIPOS DE DETERMINANTES

INDEFINIDOS

Fan referencia a unha cantidade de maneira imprecisa ou indeterminada.

O determinante indefinido acompaña o substantivo e tamén pode exercer de pronome se vai só.

algo, alguén, ningún, nada

Existen determinantes indefinidos variables. son aqueles que teñen xénero e número.

algún(s) - algunha(s)

moito(s) - moita(s)

certo(s) - certa(s)

todo(s) - toda(s)

bastante(s)

nigún(s) - ningunha(s)

pouco(s) - pouca(s)

outro(s) - outra(s)

demasiado(s) – demasiada(s)

E tamén existen determinantes indefinidos invariables.

cada, calquera, máis, menos, demais

Os indefinidos poden contraer coas preposicións:

	<i>algún</i>	<i>algunha</i>
<i>de</i>	<i>dalgun</i>	<i>dalgunha</i>
<i>en</i>	<i>nalgún</i>	<i>nalgunha</i>

TIPOS DE DETERMINANTES

NUMERAIS

O determinante numeral expresa cantidade. Pode funcionar como todos os determinantes ou como pronome cando van sós, cando non acompañan o substantivo. Os determinantes numerais poden ser ordinais ou cardinais.

- Os ordinais indican orde na súa colocación ou dentro dun grupo.

primeiro caixón, segundo piso, terceiro, cuarto.

- Os cardinais informan sobre a cantidade exacta de elementos.

un vaso, dúas bicicletas, catro libros, seis mesas.

- Os determinantes cardinais a partir de vinte escríbense separados.

vinte e un, vinte e sete, trinta e cinco.



“Título do documento”, do proxecto cREAgal, publícase coa [Licenza Creative Commons Recoñecemento Non-comercial Compartir igual 4.0](#)